



Nósanna Imeachta um Chosaint Leanaí do Bhunscoileanna agus Iar-bhunscoileanna 2017

An tEolas is Deireanaí ar Fhorbairt Ghairmiúil Leanúnach (FGL)

Socruithe Tacaíochta - Feabhra 2018

Beidh ar eolas ag scoileanna gur forbraíodh agus gur foilsíodh “[Nósanna Imeachta um Chosaint Leanaí do Bhunscoileanna agus Iar-bhunscoileanna 2017](#)” nua - tagraíonn [Ciorclán 0081/2017](#) ón ROS.

Tá a thuilleadh sonraí maidir le cuspóir, struchtúr agus ábhar na nósanna imeachta nua ar fáil ar shuíomh gréasáin na Roinne ag www.education.ie

1. An t-Eolas is Deireanaí ar Thacaíocht do Scoileanna

1.1 Cláir ríomh-Fhoghlama

1.1.1 Mar chéim tosaigh, is féidir le scoileanna teacht a fháil ar an gclár ríomh-fhoghlama uilíoch a d’fhorbair Túsla. Tá sé ar fáil do scoileanna i láthair na huaire ag www.pdst.ie/childprotection (fad 1.5 uair an chloig).

1.1.2 Cuirfear dhá chlár ríomh-fhoghlama breise ar fáil do scoileanna ar an **26 Feabhra 2018 nó roimhe sin**. An tSeirbhís um Fhorbairt Ghairmiúil do Mhúinteoirí a rinne na cláir seo agus tá an méid seo a leanas iontu:-

a) Nósanna Imeachta um Chosaint Leanaí do Bhunscoileanna agus Iar-bhunscoileanna 2017 - Clár ríomh-Fhoghlama don bPearsanra Scoile ar fad (fad 1.5 uair an chloig)

Sa seimineár gréasáin seo don bpearsanra scoile ar fad féachfar ar:

- *Reachtaíocht*
- *Ról Daoine Sainordaithe*
- *Ról an Teagmhálaí Ainmnithe*
- *Tuairisciú agus taifeadadh, agus*
- *Déileáil le nochtadh.*

agus

b) Measúnú Riosca agus Ráiteas ar Chumhdach Leanaí a Fhorbairt (fad 1 uair an chloig).

Sa seimineár gréasáin seo díritear go sainráite ar Thacú le Teagmhálaithe Ainmnithe agus le Leas-Theagmhálaithe Ainmnithe d'fhonn Measúnú Riosca agus Ráiteas ar Chumhdach Leanaí a fhorbairt faoin 11 Márta 2018, agus ar úsáid a bhaint as na teimpléid atá curtha ar fáil ag an ROS chuige seo.

1.2 Seimineáir Duine le Duine (lá amháin)

- 1.2.1 Tosóidh an tSeirbhís um Fhorbairt Ghairmiúil do Mhúinteoirí ar sheimineáir lae amháin a chur ar siúl do gach scoil ar fud na tíre ó lár mhí Mhárta 2018 ar aghaidh. Gheobhaidh tú fógra ón Ionad Oideachais áitiúil maidir leis na dátaí is féidir a roghnú.
- 1.2.2 Is do Theagmhálaithe Ainmnithe agus do Leas-Theagmhálaithe ainmnithe i mbunscoileanna agus in iar-bhunscoileanna atá na seimineáir seo. Beidh siad ar siúl ó lár mhí Mhárta go deireadh na scoilbhliana 2017/18. Díreofar dátaí seimineáir breise ó Mheán Fómhair go Nollaig 2018 ar bhunscoileanna amháin.
- 1.2.3 Beidh na seimineáir dírithe ar ról agus freagrachtaí an Teagmhálaí Ainmnithe lena n-áirítear teagmháil le gníomhaireachtaí seachtracha, tacú le baill foirne, tuairisciú do Túsla, cumarsáid le tuismitheoirí agus leis an mBord Bainistíochta, cur i bhfeidhm curaclaim agus socrúithe maoirseachta.
- 1.2.4 **Cuirfear cumhdach ionadaíochta ar fáil dóibh siúd a fhreastalóidh ar sheimineáir más gá.**

2. Ceisteanna

- 2.1 Ba chóir ceisteanna ar bith maidir leis na ‘Nósanna Imeachta um Chosaint Leanaí do Bhunscoileanna agus Iar-bhunscoileanna 2017’ a ardú ar an gcéad dul-síos le Teagmhálaí Ainmnithe nó le bord bainistíochta na scoile, mar is cuí.
- 2.2 Ba chóir ceisteanna ginearálta maidir leis na ‘Nósanna Imeachta um Chosaint Leanaí do Bhunscoileanna agus Iar-bhunscoileanna 2017’ a sheoladh chuig an Roinn trí ríomhphost ag:

schoolgovernance@education.gov.ie

- 2.3 Ba chóir ceisteanna ginearálta maidir le Forbairt Ghairmiúil Leanúnach ar chosaint leanaí a sheoladh chuig an Rannóg um Oideachas Múinteoirí na Roinne ag:

TES@education.gov.ie

- 2.4 Tá mionsonraí faoin réimse tacaíochtaí le haghaidh Forbartha Gairmiúla Leanúnaí ar chosaint leanaí ar fáil ar shuíomh gréasáin na Seirbhíse um Fhorbairt Ghairmiúil do Mhúinteoirí ag www.pdst.ie/childprotection

Eddie Ward
Príomhoifigeach
Rannóg um Oideachas Múinteoirí
Feabhra 2018